

Bertso-jira bati jarriak

I

2008ko
martxoaren hamairuan
Iberiar altzairuan
neska bat ta bi mutiko
nahiz izan denen begiko
Euskal Herrian barrena,
azkar utzi zuten dena
joateko urrutira
egitera bertso-jira
internazionalena.



INIGO AZKONA

IV

9 de Julion osatuz
kantaldi bete zorion,
bigarren bat Saladillon
joan zen denen gozatuz;
Azken portua, Chascomus,
zingirako herritzarra!
Ez zuten pasako marra
bertso jardunaren truke
lagun izan ez balute
euskal etxeen indarra.

II

Sao Paulora heltzean
lehen traba: aduana,
Espainiakoen NANA
sartu da lista beltzean!
Halere, lurreratzean
gure hiruko itzela,
pasatu zen nahi bezela;
ikusita haien antza,
nabari zitzaien, antza,
euskaldun hutsak zirela.

V

Montevideo aldera
iritsi ziren azkenik
buru barruan izanik
mila eta bat galdera:
“Atzerria ba ote da
bertsotarako tokia?”
Nahiz duda izan egokia
argitu zen zuzenean
erabat bete zenean
Zitarrosa antzokia.

III

Saio pare atsegina
egin ondoren Brasilen
jadanik larri zebilen
lagunen zain Argentina!
Hara heltzean, jakina,
zabaldu zen albistea:
Hain izan zen ezustea
legez erabaki zela
denek egingo zutela
sekulako lanuztea!

VI

Bertsoa inoiz irtenda
ingurutik urrutira,
kasu hontan lar hazi da
lur zapalduen zerrenda;
Memoria aurkitzen da
ondo gorde beharrean
historiaren urrean
beste hiru bertsolari
egon zirela kantari
Otañoren lur zaharrear.